

Neve

I grataghji fulighjinosi
Anu le so faldette bianche
E fate ch'ùn so mai stanche
L'anu fatti cusi pumposi
I grataghji fulighjinosi

I liccioconi è li pulloni
L'hà vistuti tutti lu ventu
Di carusgiulelle d'argentu
Sbaccuneghjanu da ricconi
I licciaconi è li pulloni

U sole hè spentu u celu pienche
Più tarra, più monti, più machja
Un nivulu di corbi grachja
Malasci à chi ùn hà ghjuntu legne
U sole hè spentu, u celu pienghje

Neva, neva è neva fiori
Di biancu s'impanna lu mondu
Bellu sarà più tondu
Pà li buiaghji è li pastori
Neva, neva è neva fiori

U sole hè spentu u celu pienche
Più tarra, più monti, più machja
Un nivulu di corbi grachja
Malasci à chi ùn hà ghjuntu legne
U sole hè spentu, u celu pienghje